

## ADMINISTRACIÓN LOCAL

### MUNICIPAL

#### VEDRA

##### Secretaría-Intervención

*Bases reguladoras da convocatoria de axudas para o ensino e o transporte do Concello de Vedra*

##### ANUNCIO

**Bases reguladoras da convocatoria de axudas para o ensino e o transporte do Concello de Vedra. Curso escolar 2018/2019**

O Pleno do Concello, en sesión ordinaria celebrada o día trinta de xaneiro de 2019, por unanimidade dos seus membros, aprobou as seguintes bases reguladoras da convocatoria de axudas para o ensino e o transporte para o curso escolar 2018/2019

#### **BASES REGULADORAS DA CONVOCATORIA DE AXUDAS PARA O ENSINO E O TRANSPORTE DO CONCELLO DE VEDRA CURSO ESCOLAR 2018/2019**

##### **Primeira. Obxecto da convocatoria.**

O obxecto das presentes bases é regular a convocatoria pública para a concesión de bolsas de estudos destinadas a favorecer a escolarización pública e formación universitaria en familias do concello de Vedra.

##### **Segunda. Destinatarios/as e requisitos.**

Para ser beneficiario/a destas axudas é preciso cumprir os seguintes requisitos:

a) Cursar estudos nalgún dos seguintes centros de ensino para os que se solicita a axuda:

-**PRIMARIA E INFANTIL:** todos os centros públicos do Concello

-**ESO:** CPI de Vedra

-**FP:** calquera centro público

-**BACHARELATO:** calquera centro público

-**UNIVERSITARIOS:** calquera universidade pública galega, agás que a titulación que estude non exista no Sistema Universitario Galego.

-**ENSINANZAS DE RÉXIME ESPECIAL-ENSINANZAS ARTÍSTICAS SUPERIORES:** calquera centro galego.

-**O ALUMNADO** cuxas necesidades educativas especiais impidan a súa escolarización nun centro ordinario do municipio, poderá solicitar a axuda para a asistencia a un Centro de educación especial.

b) Que a renda per cápita familiar non supere os límites establecidos na base sexta da presente convocatoria.

c) Estar empadroadado/a no Concello de Vedra e ser fillo/a dependente economicamente. Non pode beneficiarse destas axudas o alumnado que non sexa dependente economicamente. Consideraranse fillos/as dependentes economicamente as persoas menores de 25 anos e que convivan no domicilio familiar a 31 de decembro do ano inmediato anterior a aquel no que comeza o curso escolar para o que se solicita a axuda sempre que non teñan un contrato de traballo ou percibiran recursos (agás bolsas) durante o ano 2018.

d) Presentar certificado de matrícula (ou resgardo de ter pagada a matrícula, selado pola entidade bancaria) do/a alumno/a para o curso 2018/2019 (agás alumnos/as de Infantil, Primaria e ESO).

e) Cumprir os requisitos para obter a condición de beneficiario/a, recollidos nos artigos 13 da Lei 38/2003, do 17 de novembro, Xeral de Subvencións e 10 da Lei 9/2007, do 13 de xuño, de Subvencións de Galicia.

f) As axudas serán solicitadas polos representantes legais do alumnado: os pais/nais ou titores/as, e no caso de alumnos/as de entre 18 e 25 anos poderán facelo tamén as propias persoas beneficiarias.

g) Poderán ser beneficiarios/as da axuda de transporte o resto de estudantes non bonificados pola tarxeta de transporte metropolitano.

Alumnado de:

- a. Formación Profesional
- b. Bacharelato
- c. Universitarios
- d. Alumnado de ensinanza de réxime especial.

#### **Terceira. Solicitudes e documentación necesaria.**

##### **Documentación obrigatoria:**

a) As solicitudes para a concesión destas axudas formalizaranse no impreso normalizado que se inclúe como Anexo I e poderá así mesmo obterase nas oficinas xerais (Rexistro) do Concello de Vedra ou ben a través da páxina web: [www.concellodevedra.com](http://www.concellodevedra.com).

b) Xunto coa solicitude, no modelo normalizado e debidamente cuberto, presentárase a seguinte **documentación**:

- **Fotocopia do DNI do/a solicitante.**

- **Fotocopia do libro de familia** no que figuren todos os membros da unidade familiar.

- **Fotocopia da declaración da renda correspondente ao último exercicio** das persoas proxenitoras ou titores/as legais. No caso de non estar obrigados/as a presentar a declaración do IRPF, copia da notificación-liquidación ou certificado acreditativo do nivel de rendas emitido pola Axencia de Administración Tributaria que corresponda. Excepcionalmente, se a unidade familiar alega carecer de recursos, ou quere acreditar unha situación excepcional, imprevista ou de carácter de especial necesidade que afecte negativamente á situación familiar solicitarase informe dos servizos sociais comunitarios ou no caso de percibir pensións non contributivas deberá acreditala mediante informe social. Nos casos de separación ou divorcio estase ao previsto na Base 6ª para a determinación dos membros da unidade familiar. Os/as fillos/as de entre 18 e 25 anos inclusive, que perciban rendas e non figuren na declaración da renda dos proxenitores aínda que residan con eles, deberán acreditar os seus rendementos e computarán como ingresos da unidade familiar.

No caso de presentar solicitudes para varios irmáns/ás, non é necesario duplicar documentación.

-**Certificado ou xustificante da matrícula** expedido polo centro educativo ou resguardo de ter pagada a matrícula co selo bancario, de ser o caso.

-**Anexo II: Declaración responsable** de atoparse ao corrente coas obrigas tributarias e da Seguridade social, de non estar incurso/a en ningunha das prohibicións para obter a condición de beneficiario/a de subvencións públicas e de estar ao corrente no cumprimento de obrigas por reintegro de subvencións, e **autorización** ao Concello de Vedra para que realice as comprobacións oportunos durante o proceso. Cando o beneficiario/a sexa menor de idade a declaración será asinada polo representante legal que figure como solicitante.

##### **Documentación complementaria:**

-**Certificado que acredite o grao de discapacidade** nun grao igual ou superior ao 33% dalgún membro da unidade familiar, se procede.

-**Certificado que acredite a situación de desemprego** por un período superior a 6 meses durante o ano dalgún membro da unidade familiar, se procede.

- **Documentación acreditativa da situación de familia monoparental** ou de ausencia de ambos os dous proxenitores.

#### **Cuarta. Lugar e prazo de presentación das solicitudes.**

a) A solicitude presentárase no Rexistro xeral do Concello de Vedra, de luns a venres en horario de atención ao público, ou ben a través da sede electrónica (dispoñible durante as 24 h, os 365 días do ano), ou a través das formas establecidas no artigo 16.4 da Lei 39/2015, de 1 de outubro, do Procedemento Administrativo Común das Administracións Públicas.

b) O prazo de presentación de solicitudes será de 20 días hábiles contados a partir do seguinte ao da publicación destas bases no Boletín Oficial da Provincia.

#### **Quinta. Contía das bolsas**

O Concello de Vedra aboará as bolsas ás persoas beneficiarias que reúnan todos os requisitos previstos na base segunda e presenten a súa solicitude dentro do prazo establecido na convocatoria xunto coa documentación requirida na base terceira.

Os importes máximos das axudas de ensino, por alumno/a e curso serán os que se reflicten na seguinte táboa:

CURSO	IMPORTE
Educación Infantil 1º a 6º de Primaria 1º, 2º, 3º e 4º ESO	100 €
Alumnado con necesidades educativas especiais Bacharelato FP	150 €
Universidade Ensinanzas de réxime especial	200 €

Os importes das axudas de transporte, por alumno e curso determinaranse en función da situación do centro educativo, tal e como se indica na seguinte táboa:

DISTANCIA	IMPORTE
Centros situados en Santiago de Compostela e nos 18 Concellos que forman a área de influencia do transporte metropolitano de Galicia	50% do custo da viaxe por 40 viaxes por mes durante o curso escolar
Centros situados fóra da área de influencia do transporte metropolitano	200 €

#### Sexta. Valoración das solicitudes

Na valoración das solicitudes teranse en conta a renda per cápita familiar e o exercicio fiscal último.

A renda per cápita familiar englobará os ingresos de todos os membros da unidade familiar divididos polo número de membros computables.

Para o previsto nestas bases considérase que compoñen a **unidade familiar**:

– As persoas proxenitoras non separadas legalmente e, no seu caso, o/a titor/a ou persoa encargada da garda e protección do menor.

– Os/as fillos/as menores de idade, con excepción das persoas emancipadas.

– Os/as fillos/as maiores de idade con discapacidade física, psíquica ou sensorial ou incapacitados/as xudicialmente, suxeitos á patria potestade prorrogada ou rehabilitada.

– Os/as fillos/as solteiros/as menores de vinte e cinco anos e que convivan no domicilio familiar a 31 de decembro do ano inmediato anterior a aquel no que comeza o curso escolar para o que se solicita a bolsa sempre que non tiveran un contrato de traballo ou percibiran recursos (agás bolsas) durante o ano.

– No caso de familias monoparentais, para os efectos do cálculo da renda per cápita, incrementarase nun 0,8 o número real de membros que compoñen a unidade familiar. Considerarase familia monoparental aquel “núcleo familiar composto por un único proxenitor ou proxenitora que non conviva con outra persoa coa que manteña unha relación análoga á conxugal e os fillos ou as fillas menores ao seu cargo, sempre que o outro proxenitor ou proxenitora non contribúa economicamente ao seu sustento” (artigo 13 da Lei 3/2011). Para os efectos da consideración da monoparentalidade, e sempre que o fillo ou filla teña sido recoñecido/a por ambos proxenitores, no caso de non existir acordo xudicial algún no referido ao outorgamento da garda e custodia así como a atribución de pensión de alimentos en favor da/do menor estimarase como xustificación suficiente a declaración xurada do proxenitor/proxenitora/responsable legal solicitante, sen prexuízo de que a administración poida efectuar maiores comprobacións valéndose dos medios legalmente establecidos.

– No caso de ausencia de ambas as dúas persoas proxenitoras, para os efectos do cálculo da renda per cápita, incrementarase nun 1,6 o número real de membros que compoñen a unidade familiar.

– Cando non exista vínculo matrimonial a unidade familiar entenderase constituída polas dúas persoas proxenitoras e todos os seus descendentes que convivan con elas e que reúnan os requisitos do apartado anterior.

– No caso de separación ou divorcio, non se considerará membro da unidade familiar aquel que non conviva coa persoa solicitante da bolsa de axuda.

En cambio, si terá a consideración de membro computable o novo/a cónxuxe ou persoa unida ao pai/nai e que sí conviva coa persoa solicitante. A separación ou divorcio acreditarase mediante sentenza xudicial que determine esta, ou convenio regulador onde conste a custodia do/da menor.

A valoración das solicitudes presentadas efectuaranse segundo o seguinte cadro de puntuacións:

Renda per capita familiar	Puntuación
Renda de 0 € a 4.000 €	6
Renda de 4.001 € a 5.000 €	4
De 5.001 € a 6.000 €	2

As rendas per cápita superiores a 6.000€ non terán dereito a axuda de ensino, e as rendas per cápita superiores a 4.000€ non terán dereito a axuda de transporte.

Ademais da renda per cápita teranse en conta as seguintes circunstancias sempre que se acrediten co correspondente certificado:

a) Se algún membro da unidade familiar ten unha discapacidade igual ou superior ao 33%, ou situación de dependencia valorada SAAD, puntuarase esta circunstancia con 2 puntos adicionais.

b) Cando o pai/nai ou titor/a acrediten a situación de desemprego durante máis de seis meses no ano incrementárase a valoración con 2 puntos adicionais.

#### Sétima. Importe máximo e crédito orzamentario

O importe total para axudas de ensino e transporte prevese en **10.000 euros**, imputados ao crédito do exercicio 2019 na aplicación orzamentaria 320-48000

A concesión da axudas quedará condicionada á existencia de crédito axeitado e suficiente no momento da resolución da concesión.

#### Oitava. Do procedemento de concesión das axudas

Unha vez rematado o prazo de presentación de solicitudes, estas serán valoradas pola comisión avaliadora conforme aos criterios establecidos na base 6ª. Posteriormente publicarase no taboleiro de edictos do Concello e na páxina web municipal ([www.concellodevedra.com](http://www.concellodevedra.com)) unha listaxe provisional na que se incluírá a data de apertura do prazo de 10 días para emenda de documentación. Transcorrido este prazo a Comisión emitirá unha proposta definitiva que será fiscalizada pola Intervención municipal e de seguido procederase á súa aprobación pola Xunta de Goberno Local así como á súa publicación no taboleiro de edictos do Concello e na citada web municipal.

#### Novena.-Compatibilidade

A percepción destas axudas será **compatible** coa percepción doutras coa mesma finalidade que se poidan percibir doutras administracións.

#### Décima.-Comisión avaliadora

A comisión avaliadora das solicitudes e documentación estará formada por:

- Presidente, o Alcalde, ou Concelleiro/a en quen delegue
- Secretario, o Secretario-Interventor municipal ou persoa en quen delegue
- Tres vogais: entre os que estará o/a Técnico/a de Servizos Sociais ou persoa en quen delegue.

#### Undécima.-Xustificación

A documentación xustificativa presentarase antes do día **1 de setembro** do presente exercicio. A citada documentación estará composta de:

##### Para as axudas de ensino:

-Facturas **orixinais ou copia cotexada, ou no seu caso certificado selado do gasto en material expedido polo centro educativo**, que acrediten o gasto realizado en material escolar ou libros.

-**Certificado de titularidade de Conta bancaria** na que se procederá ao pagamento e que deberá coincidir co nome da persoa solicitante.

##### Para as axudas de transporte:

-**Tickets ou xustificación bancaria** do pagamento.

-**Certificado de titularidade de Conta bancaria** na que se procederá ao pagamento e que deberá coincidir co nome da persoa solicitante.

#### Disposición derradeira

Concederanse as presentes axudas ata o límite orzamentario previsto na aplicación orzamentaria destinada para tal fin no Orzamento do Concello de Vedra para o ano correspondente. Se se superase esta contía na valoración das solicitudes, priorizarase a concesión de axudas ás unidades familiares que obteñan maior puntuación na valoración das solicitudes.

## ANEXO I

MODELO DE SOLICITUDE DE AXUDAS PARA O ENSINO E O TRANSPORTE - CONVOCATORIA PÚBLICA COMPLEMENTARIA  
CURSO 2018/2019

## DATOS DO/DA SOLICITANTE (PAI/NAI-TITOR/TITORA/ ALUMNADO ENTRE 18 A 25 ANOS)

NOME E APELIDOS

NIF

ENDEREZO

TELÉFONO

IBAN: CC:

DATOS DO/A ALUMNO/A

NOME E APELIDOS

CURSO

CENTRO DE ESTUDOS

AXUDA SOLICITADA:

AXUDA DE ENSINO

AXUDA DE TRANSPORTE

· **DOCUMENTACIÓN OBRIGATORIA QUE SE ACHEGA** (marque cun x) (unha soa fotocopia para todas as solicitudes da mesma unidade familiar):

- Fotocopia do DNI do/da solicitante (pai/nai-titor/titora ou alumnado entre 18 e 25 anos.
- Fotocopia do libro de familia no que figuren todos os membros da unidade familiar.
- Certificado conta bancaria
- Declaración responsable do/da solicitante segundo Anexo II.

· Ingresos da unidade familiar (elixir a opción que corresponda): (unha soa fotocopia para todas as solicitudes da mesma unidade familiar):

- Fotocopia da declaración da renda (IRPF) 2017.
- Certificado da AEAT de non ter presentado a declaración no que se acrediten os ingresos obtidos no exercicio 2017.
- Outra documentación xustificativa dos ingresos da unidade familiar.

· **DOCUMENTACIÓN COMPLEMENTARIA QUE SE ACHEGA** (marque cun x):

- Certificado que acredite o grao de minusvalía dalgún membro da unidade familiar (se procede).
- Certificado que acredite a situación de desemprego por período superior a 6 meses dalgún membro da unidade familiar (se procede) durante o ano 2018.
- Documentación acreditativa da situación de familia monoparental ou de ausencia de ambos os dous proxenitores.

· **XUSTIFICACIÓN OBRIGATORIA DAS AXUDAS DE ENSINO E TRANSPORTE:**

- Facturas orixinais ou copias cotexadas, ou certificado selado do gasto en material expedido polo centro educativo (alumnado de Primaria, Infantil e ESO)
- Certificado da matrícula expedido polo centro educativo (Bacharelato, FP e universitarios/as, ensinanzas de réxime especial e alumnado con NEE).

Vedra, .....de .....de 2019

Asdo.: .....

SR. ALCALDE-PRESIDENTE DO CONCELLO DE VEDRA (A CORUÑA)

## ANEXO II

## DECLARACIÓN RESPONSABLE

D./D.<sup>a</sup> \_\_\_\_\_,  
con NIF/pasaporte \_\_\_\_\_, pai, nai, titor/a do/a, dos/das alumno/a, alumnos/as,  
alumnos solicitantes de 18 a 25 anos \_\_\_\_\_,

**DECLARO:**

- 1.-Estar ao corrente no cumprimento das obrigas tributarias e fronte á Seguridade Social.
- 2.- Non estar incurso/a en ningunha das prohibicións para obter a condición de beneficiario/a de subvencións públicas recollidas nos artigos 13 da Lei 38/2003, de 17 de novembro, Xeral de Subvencións e 10 da Lei 9/2007, do 13 de xuño, de Subvencións de Galicia.
- 3.- Estar ao corrente no cumprimento de obrigas por reintegro de subvencións.

**AUTORIZO:**

- Ao concello de Vedra para que realice as comprobacións oportunas en relación cós apartados anteriores, durante todo o período que dure o proceso de concesión e pago das axudas para o curso 2018/2019

\_\_\_\_\_, \_\_\_\_ de \_\_\_\_\_ de 2019

Asdo.:

\_\_\_\_\_  
SR. ALCALDE-PRESIDENTE DO CONCELLO DE VEDRA (A CORUÑA)

Vedra, 7 de febreiro de 2019.

O alcalde

Asdo. Carlos Martínez Carrillo

2019/1005